

INUIT ATAQATIGIIT

INATSISARTUNI



Nuuk, 25. februar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. Nathanielsen, Inuit Ataqatigiit)

Apeqqutit:

- 1. Naalakkersuisut isumaat malillugu inissiatileqatigiiffiit marluk pisortat inissiaataannik aqutsisuunerat sukkt iluaqutissartaqarpa?**
- 2. Illuut A/S initaartitsissagaangat tunniussinermi tunngaviit qanoq ittuusut malinneqartarpat? Tunngavinnik tamakkuninnga arlaanni unioqqutitsisoqarnikuua? Unioqqutitsisoqarsimassappat, taava sunik qassinillu taamatut pisoqarsimava?**
- 3. Pisortat inissiatileqatigiiffiutaannik marlunnik siunissaq ungasissoq eqqarsaatigalugu peqarnissaq aamma pilersaarutaava? Matumani pineqarput INI A/S aamma Illuut A/S, imaluunniit ingerlatseqatigiiffiit taakkua marluk ataasiulersitaanissaat iluaqutissartaqassasoq Naalakkersuisut isumaqarpat?**
- 4. Ilumoornerarneqarsinnaava aningaasaleeqatigiilluni ingerlatseqatigiiffittuinnag aallaqqataanit pisumik siunertatoqqani qimallugu Illuut A/S ingerlalersimasoq?**
- 5. Ineqarnermut suliassa qarfiup tunngaatigut ilaatigut aningaasaqarnermut ataatsimiititaliamit ukiorpanngortuni ujarorneqarsimasumik 2014-imi upernaakkut ataatsimiinnermi inatsisiliorneq nutaaq pillugu saqqummiisoqassasoq Inatsisartut naatsorsuutigisinnaavaat?**

Tunngavilersuut:

Illuut A/S-imut tunngatillugu inatsisiliornermi killiliussat pillugit Inatsisartut tungaannit ukiorpanngulersuni isornartorsiuisoqartarpoq. Inatsisartullu ataasiaratik ilimasaarneqartarpat ajornartorsiutit aqqinneqarumaartut.

Pisortat pisortat inissiaataannik aqutsineq ingerlatseqatigiiffimmut ataatsimut kattunnagu ingerlatseqatigiiffinnut arlalinnut siammarlugu ingerlatsinerat naleqqutinngitsutut ippoq. INI A/S-ip immikkoortorta qarfigisaasalu assigiinngitsut saniatigut aamma Illuut A/S-eqarpoq Illuut A/S-ip inissiaataanik ulluinnarni suliassanik aqutsinermi illuuteqarnermik ingerlatseqatigiiffiup namminersortup kiffartuussineranik pisisartumik.

Apeqqutit tamarmik ullut suliffiusut quliusut qaangiutinnginnerini akereerneqarsimannissaat maannangaaq qinnutigissavara.